

Na osnovu člana 70. stav 1. tačka 2. i 3. Statuta Općine Vogošća („Službene novine Kantona Sarajevo“, broj: 27/14 – Prečišćeni tekst, 14/15 i 9/20) i člana 182. stav 1. Poslovnika Općinskog vijeća Vogošća („Službene novine Kantona Sarajevo“, broj: 27/14-Prečišćeni tekst, 18/15, 45/15, 10/16 i 51/18), Općinsko vijeće na sjednici održanoj 09.07.2020. godine, donijelo je

O D L U K U

O DOPUNI POSLOVNIKA OPĆINSKOG VIJEĆA VOGOŠĆA

Član 1.

U Poslovniku Općinskog vijeća Vogošća („Službene novine Kantona Sarajevo“, broj: 27/14, 18/15, 45/15, 10/16 i 51/18) iz člana 62. dodaje se novi član 62a. koji glasi:

(1) Izuzetno, u slučaju proglašenja stanja prirodne i druge nesreće, ugrožavanja javne sigurnosti i sigurnosti građana širih razmjera, u slučaju hitnosti i sl., predsjedavajući Općinskog vijeća može odlučiti da sjednicu Vijeća sazove i održi elektronskim ili telefonskim putem (SMS porukom, messenger, viber, skype i slične aplikacije). Rezultate glasanja (za, protiv, uzdržan) date putem SMS poruke, messenger, viber, skype i slične aplikacije, utvrđuje predsjedavajući Općinskog vijeća uz asistenciju Stručne službe za poslove Općinskog vijeća i Općinskog načelnika.

(2) Predsjedavajući Općinskog vijeća može odlučiti da se sjednica Kolegija vijeća sazove i održi elektronskim ili telefonskim putem (SMS porukom, messenger, viber, skype i slične aplikacije). Rezultate glasanja utvrđuje predsjedavajući Općinskog vijeća uz asistenciju sekretara Općinskog vijeća.

(3) Predsjednik radnog tijela Općinskog vijeća može odlučiti da se sjednica radnog tijela sazove i održi elektronskim ili telefonskim putem (SMS porukom, messenger, viber, skype i slične aplikacije). Rezultate glasanja utvrđuje predsjednik radnog tijela Općinskog vijeća uz asistenciju Stručne službe za poslove Općinskog vijeća i Općinskog načelnika.

(4) U slučajevima održavanja sjednica Općinskog vijeća, Kolegija i radnih tijela na način iz stava (1), (2), i (3) ovog člana, pozivi za sjednice sa prijedlogom dnevnog reda i materijalima dostavljaju se elektronskim putem. Zapisnici sa sjednica vrše se na osnovu elektronske pošte. Sastavni dio zapisnika su izjašnjenja vijećnika, rezultati glasanja donesenih tekstova akata i zaključaka.

(5) Na sva ostala pitanja iz stava (1), (2), i (3) ovog člana primjenjivat će se odredbe Poslovnika Općinskog vijeća Vogošća.

Član 2.

Iza člana 62a. dodaje se novi član 62b. koji glasi:

(1) Odluke i drugi akti doneseni na sjednicama iz člana 1. Odluke, zbog njihove važnosti i hitnosti stupaju na snagu danom donošenja, a naknadno će se objaviti u „Službenim novinama Kantona Sarajevo“.

Član 3.

Ova Odluka stupa na snagu danom donošenja, a naknadno će se objaviti u „Službenim novinama Kantona Sarajevo“.

Broj:01-02-1135/20
Vogošća,09.07.2020. godine

